

خبرنامه محاکمه

نومرو ۱ صفر سنه ۱۲۹۰
پازار ایرتسی ۹ نisan رومی سنه ۱۲۸۹ صحیفه ۱

- اشوغزته ایلروده هفته ده ایکی دفعه چیقارلق اوزره شمذیلک بهر هفته بازار ایرتسی کونلری چیقار
- سنه لکی بر عثمانلی یوزلک التوننه و بهر نسخه سی شمذیلک ایکیشر غرو شه اوله رق هر یرده صاتیلور
- سنه لکنه مشتری اولق استیانلر مکتب صنایع مدیر لکنه مراجعت ایتلیدر

مقدمه

هر کس حقنه راضی اولسه عالمده دعوی و نزاع قالز و انسان ایچون حاکم محکمه به احتیاج اولزدی . لکن انسان حرص و طمع و عجب و غضب کبی بر چوق خصائل نفسانیه ایله مغطور اولدیغندن بین البشر محاکمه و محاصمه طبیعی الوقوعدر .

ایکی خصمدن هر بری مدعا سنده یا کندی نی حقی زعم ایدر و یا خود حقی اولدیغنی بیلدنیکی حالده خصائل نفسانیه می سوقیله خصمنه غلبه طریقتی بولغه چالشور . بر ضعیفی بر قوی ضرب یا مالی غضب ایتسه بالنفس مقابله دن عاجز اولان ضعیف نه یاپسون ا بر عاجزه نك زوجنی بر ظالم جرح و یا قتل ایتسه بالذات استیفای حقه اقتداری اولیان قادین نه ایشلسون ! بو حالده خصمینک ایکسیندنده اقوی بر قوت عالیه و غالبه ایزمدر که انک حکم وقراری وقوت واققداری ایله مظلومک حقی ظالمدن النسون واستیفای حقوقده ضعیف وقوی مساوی

اولسون . اشته حکومت و حاکم و محکمه و نظام و قانون و عدالت هب بو اساسدن چقمشدر . ابتدای خلقت بنی آدمده یر یوزی یالکز اوج شخصه اقامتگاه ایکن بیله دعوی و محاکمه و حکومت ظهوره کلدی هابل و قابلاک حضور حضرت آدمده محاکمیزی معلومدر . فقط جمعیت بشریه نك و بالاستلزام اصول مدنیتک ترقی و تأسسیله منازعات واقعه نك بر قاعده مضبوطه و عادله دائره سنده فصلانه لزوم کورینه نك جهانک هر اقلینده نیجه شریعتلر نیجه قانونلر و یونلرک محافظه سیله اجرای احکامی مقصدیله شکل کونا کونده نیجه حکومتلر تأسس و تشکل ایتش و قنغی شریعت و حکومت اساساً عدل و حقانیتیه زیاده مقارنت ایتدی ایسه انک سیاه حکمنده مستظل اولان اقوام اک زیاده حضور و آرام ایله امرار عمر و ایام ایتشلردر . بوندن ثابت اولور که هر حکومت و دولتک مبنی علیهی قضیه حکم و عدالت و هر قومک سعادت و سلامتنه انجق تابع اولدیغنی حکومت عادله واسطه واکتدر .

ایدیه جـك اعلامات مطالعه سیله عبارات
نظامیه نك محاكمه ندرلو شرح وتفسیر اولندیغی
دخی اكلایشله جغندن و چونكه كرك دیوان احكام
عدلیه نظارتك وكرك انك اداره سنده تشكيل
قلنان دوائر ومحاكم نظامیه نك صورت تأسیس
ومعاملاته ووظائفه متعلق تنظیم اولنان نظامات
اكرچه مطبوعات واسطه سیله بالدفعات نشر
واعلان قلمش ایسه ده بونلر مختلف تاریخلرله
مترقاً طبع واعلان اولنغله و نظامات مذکوره
مترفع مؤخرأ اتخاذ واجرا قلنان بعض اصول
وتعدیلات دخی هنوز نشر ایدلمامكه بونلر
جمله سی بریده طولیجه بولندیلق و حین اقتضاده
مراجعت ایدلك اوزره مذکور غزته نك كرك
بوراده وكرك طشره زده بولنان جمیع محاكم
نظامیه به بالارسال اورازده نمره ترتیبیه كتاب
شكندله حفظ وتجلید ایتدیلسی مقرر بولندیغندن
ابتدای نسخه سندن بدأ ایله هر نسخه سنده ذكر
اولنان نظامات وتعدیلاتدن بر طئقی درج
اولانه جقدر . بوندن هم محكمه رجه وهنده
محاكم خدمتنده بولنان بولانق استیان كته
وأمورین ودعوی وكلائنجه حصواه كله جك

فوائد ومنافع ایسه مستغنی بیاندر

تمیز حقوق دائرة سندن ویریلان اعلام

صورتیدر

موصل تجارندن نعمان ایله موصللی یحیی بك
بینده اولان دعوايه دائر دیوان استینافك ۹
ربیع الآخر ۸۹ تاریخیه ویردیكى اعلامك تمیزینی
مستدعی نعمانك وكلی اوخانس مازدیروسـمـان
طرفندن اعطا اولنان ۲۹ ربیع الآخر ۸۹ تاریخی
استدعا تمیز حقوق دائرة سنده حواله قلمغله
طرفینك لایحه نریله برابر مطالعه اولندی
تمیزی استدعا اولنان اعلامك خلاصه مندرجاتی

بر قومك حقوق ندرجه تحت امنیتده بولنورسه
طریق ترقی وسعادته اونسته ایلولیه جكندن
وهر دولتك قوت و شان وشوكتی دخی زیر حكمنده
بولنان اهالی وتبعه نك بولندیغی حال حضور
وسعادته موازنه ایدیه جكندن بر دولتك قوام
حیاتى ایچون امور مالیه ومعارف كبی تعداد اولنان
اسباب اساسیه صره سنده احكام عدلیه برنجی
درجده صایغه شایندر . حقوقك امنیتى ایسه
حكومت عادله نك اجرای احكام قوانین موضوعه
مشهود اولان ثبوت واقعايله محاکمات ومعاملات
نظامیه نك علانته وابسته اولوب تنظیمات خیریه
اصول محاسن شمولك اساسی دخی بومقصد مهمه
مبتنی اولدیغندن وجناب حق عمر وشوكت
واجلالی روز افزون بیورسون ولی نعمت بیتمز
نسخه کبرای عدالت ومرحمت پادشاهنمز افندمر
حضر تلمینك اقضای همسات منوكانغری جمله
تبعه وزیر دستانك بلاستنا نائل نعمت عدل و داد
اولسی ومحاكم مؤسسه ده قوانین ونظامات
موضوعه اوزره هر كسك استیفای حقوق مشروعه
ایلسی اسبانك استكمالنه معطوف اوله رق تشكيل
بیوریلان محاكم نظامیه ده جریان ایدن مرافعات
ومحاکمات اكرچه حسب النظام صورت علیه ده
اجرا اولنمده ایسه ده بونلرله ویریلان حکم
وقرارك دخی بر واسطه نشریه ایله پاش نظر
عامه به قونلسی بر قاندها امنیت واعتمادی موجب
اوله جغندن احكام عدلیه نظارت جمله سنك تحت
تدقیق واداره سنده اوله رق اشبو غزته نك طبع
ونشرینه اراده سنیه جناب پادشاهی متعلق
وشرفسون و صدور بیورلشدر
بر واسطه ایله محاكم نظامیه ده دعاوی حقوقیه
ایله جنحه وجنایات ماده زنده قوانین ونظامات
مؤسسه به ندرجه زده تطبیق حکم ومعاملات
لندیغی هر كسه معلوم اوله جغندن بشقه اكا درج

مومی الیه یحیی بک موصل مال صندیغندن مطلوبی
اولان اوتوزیش بیک هر تیز سکر غروشک سندانی
نعمانه تسلیم و طرفندن مرقومی توکیل ایلدیکی
ومبلغ مزبورک کاملاً تحصیل اولندیغی بیانیله
مطلوبنک مع فائض و مصارف تحصیلنی دعوی
ایتمش ومدعی علیه نعمانک وکیل اوخانس دخی
مومی الیه یحیی بک مبلغ مزبوری استیفایه نعمانک
برادری چرچیس توکیل ایدوب فقط نعمانک مهریله
مخوم مقاوله نامه موجنبه چرچیس امضاسیله
هرنه زمان برورقه کتوریلور ایسه حاوی اولدیغی
اقچه نیک تأدییه اولنه جغنی وچرچیسک اشعاری
ایجابنبه یحیی بک بعض محله حواله ایلدیکی
اقچه ایفا اولندقدنضکره درت بیک کسور غروش
الاجنی قالب یوزده یکریمی قومیسون دخی
محسوب اولنورایسه چرچیسک یحیی بکده اله جغنی
ظهور ایدجکئی ومع مافیه یحیی بک فقر حالی
جهته مؤکلی ایکی بیک بشوز غروش ویره رک
دعوانک صلحاً فصلنه حاضر بولندیغی بیان ایتمش
ایسه ده مبلغ مزبورک تحصیلنه اصل وکیل نعمان
ایدوکی وکاملاً تحصیل اولنوب التی یوز غروش
اقچه فرق دخی اولدیغی یحیی بک تکلیف ایلدیکی
یمنی قبول ایتماسیله ونعمانک مقصدا ویرمش
اولدیغی لایحه سنده اعتراف و بیان ایلمسیله ثابت
اولمش اولدیغندن ومبلغ مزبوره مقابل نقداً
وحواله ایفا اولدیغی ادعا اولنان مبالغه دأر ابراز
اولنان سندات واوراقدن مومی الیه یحیی بک سکر
بیک یوز غروشی شامل اولان اوج قطعیه سیله نقداً
تسلیم ایدیلان درت یوز غروشی قطعاً ویکریمی
بریک یدییوز التمش طقوز غروشی حاوی بولنان
طقوز قطعیه سند وورقه نیک دخی هر قغیسنه دأر
مکرر سند ظهور ایدرایسه اعتبار اولنماق اوزره
محسوبنه راضی اولدیغی واعشار بوجندن طولای
مال صندیغندن توقف اولدیغی خصمی طرفندن

درمیان ایدیلان بیک قرق یچق غروشک نقصان
مقدار اوزره موقوفیتی مؤخرأ تین ایدر ایسه
اوست طرفی تحصیل اولنق شرطیله مبلغ مزبوری
دخی قبول ایتدیکنی بیان ایله التیوز اوج غروشی
متضمن اوج قطعیه سندنی وقومیسونی قبول
ایتمجکئی درمیان ایتمش ایسه ده ۲۱ ذی الحجه
۲۸۶ تاریخلی مکتوبی موجنبه سلیمان نام کسبه یه
بر مقدار اقچه حواله ویره رک مذکور اوج قطعیه
سند دخی سلیمانک امضاسیله ممضی اولسیله مبلغ
مزبورک مکتوب مذکوره استناداً ویرمش اولدیغی
کئی بین التجار بو مقوله حواله یی تحصیل ایدنلره
بر مقدار قومیسون ویرلک قاعده جاریه و مرعیدن
اوله رق بناء علیه مبلغ مبحث عنندن طولای یوزده
اوج قومیسون اعطاسی اکثریت ارا ایله تنسیب
ایلمش اولدیغندن ذکر اولنان اوج قلم تسلیات ایله
موصل مال صندیغنده توقف اولنان بیک قرق
غروش یکریمی پاره ویرمنوال محرر حساب ایدیلان
طقوز یوز اوتوز بر غروش قومیسونه حواله بدایله
اقچه فرق اولان التیوز غروشندن بالتزیل متباقی
اوج بیک یوز التمش درت یچق غروشک سکسن
سکر سنه سی حیرانک اون بشنه دکین یکریمی
بر یچق ایلق فائض واللی غروش جزای نقدی
ایله نعمانن بالتحصیل یحیی بکه اعطاسنه ودعوی
مصارفنک طرفیندن اخذ ایدلمسنه ووقتیه ایفای
دین اولنمز ایسه رأس المال اولان اوج بیک شوقدر
غروشه بشقه جه فائض یوریدلمسنه قرار ویرلدیکنی
مبذر

لایحه اعتراضه نیک مآلی دخی یحیی بک چرچیس
وکیل ایلدیکی وکالت سندنی ویر مومی الیه
محرراتی مندرجاتیه متحقق ایکن دیوان استیفایه
نعمانه وکیل نظریله باقلدیغی واقعه فرق دینیلان
التی یوز غروشک اساسی اولدیغی و ابراز اولنان
اوراقک جزای تقدیمی مخنجه ایفا اولمش یکن تکرار


نعماندن التي يوز اوتوز بر غروش جزای نقدی
النش وبومثلو جزای نقدی طرفینه طأد اولسيله
بونكدنخی نظامنه توفیق لازممدن بولنش اولديغی
ودیوان استینافجه یاپیلان حسابده بش قطعه
مکتوب درت قطعه کوستریله رک بوجهتله ایکی یوز
غروش سهو وقوعبولدیغی وچرچیس یوزده یکریمی
قومیسون دعوی اتمکده اولدیغی و دیوان استینافجه
تسبب اولنان یوزده اوج قومیسونک مجموعی بیک
اللی غروش ایکن بونكدنخی سهواً طقوز یوز
اوتوز برغروش کوستریش ایدوکنی و برده پاره ک
تحصیلی ضمنده درت بیک غروشه قریب
مصارف وقوعبولدیغی مبیدر

جواب لایحه سنک نتیجه منلولی دخی نعمانک وکیلی
اولدیغی درجه اولیده یمیندن وقوع استنکافله
متحقق بولدیغی و مرقوم وکالتی بلا عوض قبول
ایتش و مؤخرأ دخی قومیسونجیلقی نامیله بر مقدار
اقچه النش ایکن ینه اصرار ایدرک لایحه اعتراضیه
منطوقی وجهله ادعاده بولنمسی محض کندوی
اضرار مقصدینه مبتنی ایدوکی افاداتنی متضمندر
طرفین ۱۷ ذی الحجه سنه ۸۹ تاریخنده بر قاعده
دائرة به جلب واستجواب ایلدکنه هربری لایحه سنده
مندرج مقالاتنی تکرار و فقط وکیل مرقوم لایحه
اعتراضیه سنده کی مصرف دعواسنی دیوان استینافه
ویرمش اولدیغی لایحه ده دخی اتیان ایلدیکنی
علاوة تذکار ایتشد

کیفیت لدى المذاکره مدعی نعمانک وکیلی مرقوم
اوخانسنک لایحه سنده محرز اعتراضاتندن برنجی
وایکجه یسی یحیی بکک وکیلی چرچیس بولدیغی
واقچه فرقی دینیلان التي یوز غروشک اصلی اولدیغی
خصوصاتی ایسه ده بونلردن طولایی یحیی بکک
درجه اولیده تکلیف ایلدیکی یمیندن نعمانک استنکاف
ایتش اولسنه مبنی مذکور برنجی وایکنجی اعتراضک
تدقیقه محل قالمش واوچنجی ودرنجی اعتراضلری

ابراز اولنان اوراقک محتاجه جزای نقدیسی ویرمش
ایکن بتکرار دیوان استینافدن جزای نقدی اندیغی
و بو خصوصدن طولایی چرچیسک یوزده یکریمی
قومیسون مطالبه اتمکده بولدیغی فقراتی اولوب
محتاجه اولیه جزای نقدی ویرلدیکی اوراق رسمیه یله
اثبات اولدیغی تقدیرده دیوان استینافدن النان
جزای نقدی یی کیرو المغه نعمانک حق اوله جفندن
ویحیی بکک وکیلی اولدیغی درجه اولیده
یمیندن استنکافیه متحقق اولسيله چرچیسک دعوی
اتمکده اولدیغی یوزده یکریمی قومیسونک یحیی
بکک جهت تعلقی اوله میه جفندن اشبو اوچنجی
و درنجی اعتراضلر دخی نقضی موجب اسباب
قانونیه دن کور یله مامش اولدیغی کبی دیوان استینافجه
یاپیلان حسابده بش قطعه مکتوب درت قطعه
کوستریله رک بوجهتله ایکی یوز غروش سهو
وقوعبولدیغی و اجرت تحصیلیه ک مجموعی بیک شو قدر
غروش ایکن سهواً طقوز یوز اوتوز بر غروش
کوسترلدیکنه دأر اولان بشنجی و انتجی اعتراض
دخی سهو حسابدن عبارت اولوب اسباب نقضیه دن
اولاهله برابر اولیه بر سهو واریسه تصحیح اولنقی
اوزره اعلام مزبور تجارت نظارت جلیله سنه
کوندریله رک جواباً وایر اولان دیوان استیناف
مذکره سنده ۵ ربیع الآخر سنه ۸۷ تاریخلی
ایکی یوز غروشلق بر قطعه سند بدلتک اعلامک
فقره حسابیه سنه علاوه اولدیغی وقومیسون
مجموع حواله اوزرینه یوریدلیوب تحصیل قلنان
مبالغ ایچون حساب ایدلش اولدیغندن بونک نقصاتی
اولدیغی کوستریله رک بوااعتراضلر گدخی حکمی قالمش
ودرت بیک غروشه قریب مصرف وقوعبولدیغی
ادعاسنک دیوان استینافده کی لایحه ده مندرج اولدیغنه
متدار اولان یدنجی اعتراضک تدقیقی ضمنده لایحه
مذکوره دخی جلب و مطالعه اولندقدن ادعا اولدیغی
کبی درت بیک غروشه قریب مصرف وقوعنه دأر

قطعا اشارت بولمديغندن بواعترض دخی بی اساس
کورئش اولمسیله اعلام مزبور بالتصديق حکمنک
اجراسنه ویرمنوال محرر علاوه ایدلش اولان ایکی یوز
غروشک اجرا جمعیتده اولان اعلامه علاوه ایدلسنه
وبرده مرقوم نعمانک دیوان استینافه ابراز ایدوب
میرموی الیهک قبول ایلدیکی بر طاقم سندانک
نسبتندن دون ورقهیه یازلش اولمقدنانشی الی یوز
غروش جزای تقدی الیغنی منقهم اولش و بو
مقوله جزای تقدی طرفین مخاصمین مناصفه عائد
بولئش اولدیغندن مارالذکر جزای تقدینک مجموعی
نعماندن النمش ایسه دیوان استیناف اعلامی حکمنک
حین اجراسنده یحیی بکه عائد اولان نصف جزای
تقدی مذکورک دخی جمعیت مذکورجه محسوب
قلوب یحیی بکک دخی اشو سندانندن آخر
امضاسیله محض بولنالرک جزای تقدی حصه سی
ایچون امضا صاحب لارینه مراجعت صلاحیتی اولمسه
واعلام وتبلغ خرجی اولان اوتوز الی غروش
اون بش پاره ایله اوچ عدد بیاض مجیدینک
نعمانه مراجعت ایتک اوزره یحیی بکدن انمسه
قرار ویریلرک کیفیت طرفینه تفهیم اولندی



﴿ محاکمات جزائیہ دائرہ سندن ویریلان مضبطه ﴾

﴿ صورتیدر ﴾


خمس سنجاغنده واقع ظلمین قضاسنه تابع جمعه
قریه سی ساکنلرندن اولوب قلب اچیه ضرب
واستعمال ایتش اولان فقیه عالم بن بلرکه شوشا
حقنده اجرا قلنان تحقیقات نظامیه دایر
طرابلس غرب ولایتک دیوان احکام عدلیه یه
حواله بیوریلان ۱۵ ربیع الآخر ۸۹ تاریخی
واوچ نومرولی تحریراتیله دیوان تمیز ولایتدن
مصدق مجلس تمیز لوا و مجلس قضائک عربی العباره
مضبطلری واستنطاقنامه وترجهری قلب اچیه
وآلات واذوانک برصندوقه موضوعاً کوندردیکنه

دائر ولایت مشار الیهلک دیگر تحریراتیله برابر
محاکمات جزائیہ دائره سنده مطاعه اولندی
اوراق مرقومه مندرجاتده مرقوم فقیه علینک
خانه سنده قلب اچیه ضرب واستعمال ایلدیکی
استخبار اولنمی و خانه سی تحریر اولندقدن الات
واجزا وقلب التلیق و بشلک ونحلس قرق پاره لک
ایله تونس ریالی و باقر پارچهلری ظهور ایتمی
اوزرینه تدقیقات استنطاقیه لیدی الابدان مرقوم
فقیه علی محمد بن علی الجنی و عبدالقادر الاسود نام
کسنه زایلہ برابر قلب سکه اعمال ایلدکلرینی اقرار
ایلدیکی حالده مرقومان محمد بن علی الجنی و عبد
القادر بوبایدہ مدخللرینی و فقیه علینک خانه سنده
کلوب کتدکلرینی انکار ایللری اوزرینه مرقوم
فقیه علی تحویل لسانله مرقومان محمد بن علی الجنی
و عبد القادر ایله دنا تاً معارفه سی اولدیغی حالده
برکون کندوسنه کلرک علاج اعمال ایلک اوزره
کندو خانه سنده واقع مخزنک کندوزینه ایجارینه
طالب اولدقلرندن کندوسیدخی مذکور مخزن
یکرمی غروشه بونلره ایجار ایلش اولدیغی و صکره
مرقومانک کندو خانه سنده کلوب کتدکلرینی
عبد المجید و مفتاح و حسین و بشیر و عقبل و دیگر
مفتاح نام بش نفر کسنه زاله اثباته مقتدر اولدیغی
و فقط مرقومانک مذکور مخزنه نه یساجقلرندن
معلومات المدیغی افاده ایله بوبایدہ مدخلنی و افاده
سابقه سی انکار ایلش ایسه ده اسامیسی تعداد
ایلدیکی اشخاص مرقومه مرقومان محمد بن علی
الجنی و عبد القادرک خانه مذکور کتدکلرینی
کورمدکلری کبی بونلر کندوزینک طابیدقلری
ادم دخی اولدیغی مع القسم بیان ایللرینه و قضاء
مذکور مفتیسی محمد بوجز و اعضاء مجلسدن حاجی
محجوب افندیلر دخی مرقوم فقیه علینک مجلس
دعاوی قضاء اولصورتله سبق ایدن اقرارینی
اخبار ایتلرینه و صاکر مضبطه دن عبدالرحمن و عبد

السلام وعبد الحفیظ دخی مرقوم فقیه علینک
خانه‌سندہ قلب اچہ و آلت بولندیغنی خبر ویرملرینہ
ومرقومان محمد بن علی الجنی و عبدالقادر اول
واخر انکارده بولنرق بولنرک خانه‌زندہ قلب اچہ
وآلہ دأر برئی بولندیغنی دخی تحقیقات واقعدن
اکلاشلینہ نظراً مرقوم فقیه علینک منفرداً قلب
اچہ اعمالنہ اجتناسار ایلدیکی و مرقومان محمد بن علی
الجنی و عبد القادرک بویابده بیدخل اولدقلری
تحقیق ایتیش اولدیغدن بختله مرقوم فقیه علینک
یوز قرق اوچنجی ماده قانونیه توفیقاً اون سنہ
مدتلہ کورکہ قونلسی استشعار و مرقومان محمد
بن علی الجنی و عبد القادرک مکفلاً صالیویرلیدیکی
اشعار اولمشدر

مدلول اشعاره نظراً مرقوم فقیه علینک خانه‌سندہ
قلب اچہ ضرب و اعمال ایلدیکی اخبار اولنان
اقراری وقاب اچہ و آلتک خانه‌سندہ ظهور ایتسی
دلالتی ایلہ تبین ایلدیکنہ و ذکر اولنان یوز قرق
اوچنجی ماده قانونیه دوت علیمده تداولی نظاما
مقبول و مقرر اولان التون وکوش مسکو کاتہ تقایداً
مسکوکات قطع ایدن و ذکر اولنان مسکوکات
مقرره دن اکہ وزنہ و تیزاب و یاسأر آلات و طریق
ایلہ از چوق التون وکوش اخراج و افراز ایدرک
قیمتیرینی تنقیص ایلان و برسکه‌یی ده‌ا قیمتلی اولان
اخر برسکه یرینہ سورمک اوزره انک رنگندہ
یالدرایان و او مثللو قلب و ذنوف مسکو کاتک
ممالک محروسه‌ده تداوله و یاخود بلاد اجنیه‌دن
کلوب ممالک حضرت شاهانه‌یه دخوانه معین اولان
و قلب سورجیلیکیله مشغول بولنان کیمسز اون
سنه دن اکسک اولماق اوزره موقتاً کورکہ قونیلور
دیومحرر بولندیغنه بنا مرقوم فقیه علینک بو حکمہ
توفیقاً و تاریخ حبسندن اعتباراً امر تشهیری اون
طوزنجی ماده قانونیه دندرج اصوله بعدالتوفیق
اون سنہ مدتلہ طرابلس غریبده کورکہ قونلسی

وقیدینه اشارت اولنق اوزره تاریخ حبسک بوطرفه
اشعاری و بیدخل اولدقلری اکلاشیلان مرقومان
محمد بن علی الجنی و عبدالقادرک دخی قید کفالتدن
چیقارلسی خصوصلرینک ولایت مشارالیه
امر و اشعار بیورلسنه و قلب اچہ والات و ادواتک
دخی امشالی وجهله حفظ اولنق اوزره خزینہ
خاصه نظارت جلیله‌سنہ کوندرلسنه قرار
ویرلدی



محاکات جزایہ دائره‌سندن ویریلان مضبطه
صورتیدر

مناستر سنجاغنده واقع نکوش قضاسنه تابع قوادار
قریه‌سندہ قلب اچہ اعمال ایلان کوپرلی قضاسنه
مضاف قوچیلر قریه‌نی عاشق راشد ایلہ «یزور
قودار قریه‌لی سلیمان اغا زاده احمد بک حقلزنده
اجرا قلان تدقیقات نظامیه‌یی متضمن سلانیک
ولایتک دیوان احکام عدلیه‌یه وارد اولان ۱۸ صفر
سنہ ۱۲۸۹ تاریخلی و اون بش نومرلی تحریرات
جوابیه‌سیله دیوان تمیز ولایت و مجلس تمیز لوا
و مجلس دعاوی قضا مضبطه‌زی و اوراق
استنطاقیه محاکات جزایه دائره‌سندہ مطالعه
اولندی

اوراق مذکوره مندرجاتندن سکسان التی سنه‌سی
تموزینک سکرنجی کونی مومی الیه احمد بک کیندنه
قلب مجیدی جاریکی کورلسی و مذکور مجیدی
عاشق راشدک اعمال ایتدیکی استخبار قلملسی
اوزرینہ تدقیقات استنطاقیه‌یه لدی الابتدار
مرقوم عاشق راشد بویابده مدخلی انکار ایش
ایسده میرمومی الیه مرقوم عاشق راشد مسافرت
طریقله اقر باسندن حاجی اسماعیل اغانک خانه‌سندہ
اقامت ایتکده اولدیغنی حالده تعلیم هنر و معرفت
ضمننده کندیوسنی بلاغفال رسده نام چفتله‌کارینه
کوتورمک پتره نام کسنه‌نک خالی بولان خانه‌سندہ

الیهی بالاغفال برلکنه محل مذکوره کوتوره رلقب
 آنچه اعمال ایلدکری احمد بک اقراری و امارات
 مشروحه دلالته تین ایلدیکنه و مذکور یوز قرق
 اوچنجی ماده قانونیه ده دولت علیه ده تداولی نظاماً
 مقبول و مقرر اولان التون و کوش مسکوکانه تقلیداً
 مسکوکات قطع ایدن کیسه اون سنه دن اکسک
 اولماق اوزره موقتاً کورکه قونیلور و قرقچی ماده
 قانونیه ده حد داوغه واصل اولیان مجرم مراهق
 بولندیغی یعنی فعل و عملک نتیجه سی برجرم اوله غنی
 فرق و تمیز ایدرک متعمداً اول جرمی ایشلمش
 اولدیغی صورته اکر جرمی موقت کورک و یاموقت
 قلعه بئدک یانفی موقت جزایرینی موجب جرایمدن
 ایسه اصلاح نفس ایچون جرمنک مستلزم اولدیغی
 جزا مدتک ربعندن نهایت ثلثی مقداری مدته دیک
 حبس اولنور و بش سنه دن اون سنه یه دیک ضبطیه
 نظارتی التنه النور دیو مندرج بولاندیغنه مبنی مرقوم
 عاشق راشدک حکم اوله تطبیقاً و تاریخ حبسی اولان
 سکسان یدی سنه سی ربیع الاخرینک اون یدی
 کونندن اعتباراً امر تشهیری اون طقوزنجی
 ماده ده مندرج اصوله بعد التوفیق اون سنه مدته
 سلائیکنه کررکه قونلسی و مومی الیه احمد بک
 دخی حکم اخیره تطبیقاً و تاریخ مذکور دن اعتباراً
 ایکی یچق سنه مدته حبس اولنورق بش سنه مدته
 دخی ضبطیه نظارتی التنه التمسی خصوصلرینک
 ولایت مشار الیه ایامه امر و اشعار بیورلسنه
 قرار ویرلدی اولباسده امر و فرمان حضرت عنله
 الامر ککر

محاکمات جزائیہ دائره سندن ویریلان مضبوطه
 صورتیدر

قندیه شهری خارجنده واقع مسکینک محله لی متوفی
 ارنبوطاکی طاهرک یکر می یاشنده کریمه سی نسیبه نک
 قاتلی اولان عساکر ضبطیه اونبا شیلرندن محله

قرق بش قدر بیاض مجیدی چاریکی اعمال
 ایدوب قابلیله برابر کندوسنه و یرمکه الوب بر
 دیوار دینه وضع ایلدیکنی معرض اقرارده بیان
 ایلسنه و پترنک اوغلی خرسو دخی باباسی چقته
 اولدیغی حالده اکک المق اوزره دره دن اوطفرینه
 کلدیکنده احمد بک ایله عاشق راشدی اوطمه ده
 کوردیکی حالده علاج یامقده اولدقلرندن بختله
 کندوسنی دفع ایدوب قیوی قیادقلرینی وایکی
 ساعت سکره بونلر اوطمه دن چیقوب کتدکارنده
 سوندرلش آتش واون کبی یره دوکلش بیاض بر
 شی کوردیکی وبقال خرسو ولد استویان دخی احمد
 بک ایله عاشق راشدک کلوب کندوسندن بر قیه
 آچلی ایله قرق پارلق سم الفار الدقلرینی و فرونجی
 استاوری ده مرقومانک دکانه کلوب بر پارچه اچلی
 پیشیروب برزه صاره رق الوب کوتوردکارینی
 و تفنکیجی ابراهیمک قرنداشی حسین دخی احمد بکه
 عاشق راشدک دکانه کلوب تنکه الدقلرینی و جاها
 اخبار ایتلرینه و احمد بک بیان ایلدیکی محله بر
 کیسه دروننده قرق عدد قلب مجیدی چاریکی
 ایله آلات و تنکه و آچلی کبی شیلرک بولمسنه نظراً
 مرقوم عاشق راشدک انکاری واهی اوله رق مذکور
 مجیدی چاریکارینی اعمال ایتدیکی تحق ایش
 و میرمومی الیهک خود بخود فعل مذکوری ارتکابه
 عدم اقتداری حال و قالندن استدلال اولنسی جهته
 کندوسنک عاشق راشد طرفندن بالاغفال فعل
 مذکورک اجرا سنده برلکنه بولندردیغی و جریده
 نفوسه بالمراجعه میر مرقومک هنوز اون بش یاشنده
 مراهق بولندیغی اکلاشلش اولدیغندن بختله عاشق
 راشدک یوز قرق اوچنجی ماده قانونیه تطبیقاً اون
 سنه مدته کورکه قونلسی و احمد بک دخی قرقچی
 ماده موجبجه ایکی یچق سنه مدته حبس اولنسی
 استشعار قنمشدر
 مفاد اشعاره نظراً مرقوم عاشق راشدک میر مومی

مذکورہ چلی نام شخص حقندہ اجرا قلنان
تدقیقات نظامیہ و مراعاتہ شرعیہ شامل کرید
ولایتک دیوان احکام عدلیہ و ورود ایدن ۲۰ صفر
۱۲۸۹ تاریخلی والی برنومرولی تحریراتیلہ دیوان
تمیز ولایتدن مصدق مجلس تمیز لوا مضبطہ
واعلام شرعی واوراق استنطاقیہ محاکمات جزائیہ
دأرہ سندہ مطالعہ اولندی

اوراق نظامیہ مألزندہ سکسان یدی سنہ
ربیع الاولینک اون دردنی کیجہ سی مزبورہ
نسیبہ قوشورلندن ضبطیہ حابسازاکی محمد
اونباشینک زوجہ سی رشیدہ خانہ سنہ چاغروب
وقوعبولان توسط واغفاللریلہ مرقوم چلی
مزبورہ یی اق طایبہ نام محکک خارجندہ واقع وقف
ترایہ کوتورہ رک بکرینی ازالہ ایتدکن صکرہ
بحاق ایلہ ضرب و جرح ایلدیکی ادعا قلمسی و معاینہ
ایتدیرلدکدہ مزبورہ نسیبہ نک هنوز بکرینک ازالہ
قلندیغی قابلہ طرفندن و بوغازینک اطرافیلہ صاغ
اموزی التندہ اوتوز اوچ عدد جرح اولہرق قانک
کثرث جریاتیلہ برشی اکل ایدہ مامسندن و یارہ رک
ششمسندن ناشی قرق سکر ساعت مرورندہ وفات
ایلدیکی راپورت ایلہ طیب طرفندن خبر ویرلسی
اوزرینہ تدقیقات استنطاقیہ لدی الابددار
مرقوم چلی لیلہ مذکورہ قلعہ درونندہ بولنان
حکومت قوناغندہ اولدیغنی و مزبورہ یی هنوز
کورمیدیکی کبی دون وکوملکندہ کورینان قانک
ایاغندہ بولنان چبانندن بولاشدیغنی بیان ایلہ فضیضہ
مذکورہ اولان مدخل و معلوماتی کلیاً انکار ایتش
ایسہدہ مزبور نسیبہ وفاتندن اول شعوری یرندہ
ایکن مرقوم چلی ایلہ اولجہ وقوعبولان مکالمہ لری
وجہلہ لیلہ مذکورہ ساعت اوچ بحق رادہ رندہ
کلوب کندوسنی قونک اوکندہ بولسبلہ بارضا
تبعیت ایتش و محمد اونباشینک زوجہ سی رشیدہ
اورنمک اوزرہ بر چارشب و برمش اولدیغنی کبی

محمد اونباشی دخی لمکی نام محلہ قدر کینوب عودت
ایتدکن صکرہ کندورلی مذکور ترایہ کیدرک اورادہ
مرقوم چلی بکرینی ازالہ ایلہ جواردہ بولنان لغہ
کوتورہ رک باشی دیزینہ وضع ایلہ سنی اولدورہ حکم
زیرا بنی چوق رنجیدہ ایلک دیہ رک قساطورہ سیلہ
جرح ایلدیکنی بیان و تذکار ایتسنہ و مرقوم محمد
اونباشی لیلہ مذکورہدہ ساعت درت رادہ رندہ
مرقوم چلی ایلہ مزبورہ رک برلکدہ کتدکلرینی
کورمش و اشناق ایتش اولدیغنی و بونلرک یکدیگریہ
محبتی اولسی جہتلہ خاطرینہ سؤ حال کلدیکی
وزوجہ سی دخی اوکیجہ چلی ایلہ نسیبہ خانہ سنہ
کلہ رک طلبی اوزرینہ مزبورہ یی بر چارشب و یردیکنی
واول صرہدہ چلی ایلہ زوجی محمد قوشمش ایسہ رندہ
نہ سولدکلرینہ معلوماتی اولدیغنی و محلہ مذکورہ
ولیناکی اسماعیل دخی چلی ایلہ محمد اونباشینک
قوشمقدہ اولدکلرینی کوردیکی مع الحلف اخبار
ایتلرینہ و نفرات ضبطیہ دن حسین لیلہ مذکورہدہ
حکومت قوناغی قوشمندہ نوبتی اولدیغنی حالہ
مرقوم چلینک ساعت سکر رادہ رندہ خارجدن
قوناغہ کلدیکی و نفرات مرقومہ دن عبدالجلیل دخی
مرقوم چلی یی وقت مذکورہ البسہ سیلہ قفوشہ
کیررکن کوردیکی کذلک مع القسم خبر و برملرینہ
و محلہ مزبورہ یی فینکاتو ابراہیم دخی نسیبہ نک
خانہ سی چلینک خانہ سنک قارشوسندہ اولدیغنی
جہتلہ وقعہ دن اون کون اول بونلرک یکدیگریہ
الریلہ اشارت ایلدکلرینی کورمش اولدیغنی اخبار
ویکی قبو محلہ لی فاطمہ دخی لیلہ مذکورہدہ
سوقاقدہ کیم اولدیغنی فرق و تشخیص ایدہ مدیکی
ادملردن برینک رسوبی کینوب الاجم رضا
کوسترمز ایسہ اولدورہ حکم دیش اولدیغنی افادہ
ایدوب بو سوزی امینہ نام خاتون طرفندن دخی
نصدیق و تذکار قلمسنہ و مجلس تمیز اعضامسندن
(بقیہ سی صکرہ)